



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

1. Quarè Christus vult tenere iudicium in die nouissimo.

urn:nbn:de:hbz:466:1-29452

& hominum homo Christus Iesus : homo, inquit, Christus Iesus, & secundum illam humanitatem orat pro nobis. Sic semper adhuc saluat, & officium suum exercet usq; ad consummationem seculi, quando gloria æterna incipiet. Hæc ergo maxima est consolatio, talem habere apud Deum fratrem, Dominum, aduocatum & exoratorem.

INDE VENTURUS EST
iudicare viuos & mortuos.

CAPVT XXXXI.

ARGUMENTA.

1. *Quare Christus vult tenere indicium, in di nouissimo.*
2. *Quomodo signa præcedentia certissimum Christi aduentum indicant.*
3. *Quæ sit futura sententia ultima Christi. nentis indicium.*

L.



Rimò potuisset homo dicere Deo : Domine, nos alieno & non proprio peccato damnavi sumus. Adam enim nos omnes fecit peccatores, Rom. 5. Deinde Domine, nemo nos docuit voluntatem tuā, viam & modum salutis nostræ. sed ne sic excusationem haberet homo, misit redemptorem Christum Deus filiū suum, quem dedit nobis, ut sit nostra sapientia, iustificatio & sanctificatio, 1. Cor. 1. per fidem in illum, Ioan. 3. Sic Deus dilexit mundum, &c. etiam prædicauit nobis Euangelium Christus, prædicans præceptum patris, Psal. 2. & Ioan. 12. Verba quæ ego locutus sum, &c. Sic dedit mandatū Apostoli Marc. & Matth. ultimo. Prædicate Euangelium,

pœnitentia

penitentiam & remissionem Luc. vltim. Et ideo nō
vult prius tenere iudicium, quām prædicatum fue-
rit Euangelium in vniuerso orbe, Matt. 24. nē quis
se excusare possit in iudicio. Ut igitur nunc cuiq; tri-
but in corpore & anima, prout gessit, siue bonū, siue
malum, 2. Cor. 5. & vt noti fiant qui obedierunt Euā-
gelio, & qui non, Roma. 10. dixit se venturum ad iu-
dicium cum potestate & maiestate magna, Lucæ 21.
Primus eius aduentus fuit occultus, secūdus autem
erit manifestus, de quo dixerunt Prophetæ Psal. 49.
Deus manifestè veniet, & non silebit. & 95. Iudica-
bit orbem terræ in æquitate, & populum in veritate
sua, Actorum 1. Iterū veniet sicut vidistis eum eun-
tem in cœlum. & Malachias 4. de die extremo vatici-
natur, inquiens: Ecce dies veniet succensa quasi ca-
minus, & erunt omnes superbi & omnes facientes
impietatem stipula &c. Sic ait Ioannes baptista Matt.
xxvii. Ventilabrum in manu suā, & repurgabit aream
suam, & congregabit triticum &c. Et Petrus Aet. 10.
Christus constitutus à Deo iudex viuorum & mor-
tuorum. Et Paulus 2. Timo. quarto. Christus iudica-
turus est viuos & mortuos in apparētia sua & regno
suo. Viui dicuntur, quos adhuc in carne ista inuentu-
rus est aduentus Christi, Luc. 21.1. Thessal. quarto,
mortui dicuntur, qui de corpore ante hunc aduen-
tum exierūt, sicut exponit Augustinus in Enchiridio
cap. 55.

Secundò, inquit Petrus 2. Pet. 3. de quibusdam qui
dicunt, ambulantes secundūm proprias concupiscen-
tias: vbi est promissio & aduentus eius? quasi dicerēt,
nullum erit iudicium & nullus Christi reditus. Sed
fratres, custodite vos ab errore tali, & crescete in co-
gnitione & gratia Domini nostri Iesu Christi. Ideò
maximè absterrerī debet à peccatis, quoniam iudex
omnia manifestabit, & consilia cordium & abscon-
dita tenebrarum, 1. Corinth. quarto. Et si quis non
velit

2.

Y 4